

琴

隱

園

詩

集

琴隱園詩集卷七

武進 湯貽汾 雨生

南塞集

辛未

年三十四自惠州至興甯至潮州止

辛未元夜惠州城外野宿

舉頭圓月客心孤，錯雜鄰舟喝雉盧。夾岸雙城燈火競連

村，百劇管絃粗故人可有重來郭。

謂伊墨卿

遷客應無再世蘇。

草草浮踪隨地好，鷺湖今夜憶蕪湖。

去歲元夜泊舟蕪湖

夜過石龍留別唐都尉

文才

斬蛟射虎我真慚，閒話虛堂漏已三百椳。煩貽行客蔗一
簞，還致小兒柑。尊前脫帽言何壯，夢裏聞雞志尙堪。沙上

奉隱園詩集卷七

相攜空耳語荒江白月柳珍珍

酌酒看羅浮

酌酒看羅浮山雲到舵樓何人教粉蝶邀我跨青牛自有
前緣在知難今日酬梅花拚落盡去去復回眸

老卒

堞樓集鵲颶風搖鴉嘴閒揮種蔗苗鐵騎中原經百戰荒
烟野戍歷三朝征袍尙可貽兒輩上將何曾識舊條莫倚
躬耕身老健海隅鯨浪未全消

憶揚州

花前珠箔月邊橈鶯燕光陰共絮飄詞客歡愁爭白雪美
人生死愛紅橋七千里外仍看月四五年來不聽簫草自

蕪城青到此幾人還憶玉聰遙

再過博羅

琴書檢點半肩貧小艇低頭慣墊巾
細雨斜風新燕子綠波芳草舊離人
一雙漿外皆春色四百峯前惜病身
終見鐵橋鏗屐齒頻來原自有前因

種蔗行

蠻鄉嬾耕稼種蔗動千畝身逸無胼胝
團焦一夫守西風短鎌急束薪市城走
恃此濟飢寒不因解渴偶艤舟蔗林
下閒話林中叟此地昔種蕉果稀葉徒
朽利溥不如蔗一瀉甘萬口蔗多榨漿作餠豈知種蔗多佳境
不自有兒童欺老瞶十枝竊八九連年
盜賊甚樂此逋逃藪晝伏夜劫人兵仗

儼在手避之曷敢奪亂嚼似糧糗一朝官吏來蹴踏如敝
帚不如道旁草尚可牧肥牡況今苗發遲骨瘦同餓狗俗名
小者爲狗骨蔗縱得十丈長難償前歲負

泊釣公塘

白桃花落碧蕉低亡是公留舊釣溪忽見孤村疎雨外直
隨流水斷橋西木奴積屋同儲粟水母留賓抵割雞覓得
一竿容就汝此中不似武陵迷

維舟

維舟行飯不知遙如畫林泉咏興饒野老有田多種竹春
山無徑略通樵團瓢乞食荒村佛臥柳支筇絕澗橋何處
一聲行不得艣郎催我趁歸潮

破艦

江干巨艦千計因海盜鄭一艘張保投誠而得守者不愼多致糜爛

壯絕奔鯨勢干戈蓄此中卽今膠斷岸何處鼓長風不畏
囊沙渡甯聞借火攻一朝收敵利誰識舊遺弓

斷塔

乞福知誰計金錢費萬緡捨身翻是佛毀骨不關人斜日
思全影狂風作亂塵幾無錐立處一笑我同登

龍川

暮角出孤城千帆到岸爭戍燈寒舴艋沿川斥堠俱有小舟夜巡江月
豔旌旌竟去藍關馬藍關在縣東次日登陸卽經休論碧海鯨樓船風

正好誰策水犀兵

舟行所至餉酒甚多醉後有作

一笑米家舫於今卽習池喜過貽趙璧醉卽和陶詩有婦
藏何處無鄰盜可知不愁千斛罄川盡是醒時

龍川趙佗祠

狼虎何曾識老夫中原逐鹿反迂靡也知秦吏誅應盡祇
柰同僚誼略無帝可娛情甯獨爾臣非忘漢恐欺吾遺民
盡有思恩澤名姓猶聞稚子呼

初至興甯

城堞低于屋官渠翠竹環市喧同怪鳥盜隱卻深山觴咏
誰堪共登臨只未閒有懷賢令尹遺墨在民間

吾吳祝枝
山曾宰此
邑

朝天圍

齊昌郭西有朝天園相傳文信國公收合散卒於
此望闕拜告故名按宋史景炎丁丑七月元李恆
襲公於興國公師潰奔循州散兵頗集邑於宋爲
循州地距興國僅數百里事屬有徵而舊志未載
柘庵增入新志屬予作歌紀之

兩星鬪天一星落

史載德祐乙亥三月有
二星鬪于中天一星隕

小星一雙如蹴

踟躕入大海猶無休海水撲天天欲覆呱呱泣血黃袍紅
一戰再戰樓空空鯨騎龍困波浪惡呼吸性命惟懸公輦
刀峒甲如雲集吉贛諸州連報捷空阬一潰豈關人退走
循州天地泣此時公豈不知危此身不死心不灰擐甲橫
戈向天拜義聲號召回風雷嗚呼此時公旁能有幾戰士

赴敵本難況赴死壺漿爭飲渴羌兒父老甯思故天子鳴
呼公心直與天心爭天若祚宋甯無成卽今野老談遺迹
此地悲同方飯亭

在五坡嶺

羅孟郊墨池

興甯神光山

鄉先生是真高士一步金門便入山尙有方池留宅畔已

無遺墨在人間千年雷雨蛟成窟滿眼雲烟鬼閉關

池旁舊宅

今爲公祠

剩與村童牽犢飲幾時得見鳳毛班

興甯自宋代公入翰

林以來未有繼者而羅氏後人尤式微也

寄程衡衫都門

時聞將歸揚州

燕臺風雪一青氍慚愧論交結墨緣任把詞人推玉茗甘
爲弟子拜伊川門除問字無車到室自留賓有榻懸折得

梅花誰寄與玉簫聲裏羨歸船

懷劉芙初編修

海棠花落淚無端記取新詞壁上

看去歲偕遊法源崇效二寺看海棠各有賀

新郎

病也無書通嶺外貧應有賦賣長安累君酒債曾供

醉贈友綈袍自苦寒玉尺南天量不到相思誰與結騷壇

感舊六首

獼猴縱劣善緣樹一騎土牛不能步擲揄顙首亦可憐學
劍十年無一怒東西莫覓仇人頭仰看萬里浮雲浮男兒
器量滄海窄長嘯一聲秋月白嗚呼我生覆溺我自遭鼃
鼃那解生風濤

毀車殺馬絕鄉里澶漫百州厯荆杞刺字漫滅慙探懷棗

下悲歌豈得已風吹席帽雪壓頭皮肉半死荒山投霏霏
麥粥雜糠粃斜睨屠機空搖喉平生一食具五鼎及此亭
長無心留嗚呼我生寒饑匪嘆息仰面向前愧顏色

孝先讀書果其腹不能嘔出付子孫孫侯淵如觀察富貴身更

貧雖有八騶難贈人白飯青芻情意熱方穿多謝豨膏滑

臨歧又贈一囊錢謂此可買劉琨鞭那知得錢卽沽酒十

日壚邊罄無有翁子錦衣猶不歸項王單騎肯東走嗚呼

皋禽向厭青田低一枝翻共鷓鴣棲

中流失船壺千金窮途受恩不去心我時寄食徐滄州小松

刺通家三世情綢繆傾囊贈我好言慰處世戒予持血氣

憶昔滄桑覆卵悲麥舟高義中丞爲刺史尊人君家樂善

兩松先生

世罕有何以報之心不朽嗚呼丈夫富貴不及韓王孫一飯勿復輕嘗人

李邕五絕鄭三絕我無其一亦已拙何人月旦贈齒芬微詩索畫徒紛紛日出人喧鐵門壞何異催租清興敗滎陽酒錢賴故人難免垂簾同賣卦王孫泣路無時無相逢戚戚三嘆吁門前雪花大如掌綈袍脫盡宵嫌粗王孫見予塵在甕謂汝苦寒誰復贈願還綈袍乞一詩詩中但道王孫飢持詩徧向五侯泣泣得餘錢聊可歸嗚呼何人不識歸家好王孫爲我愁芳草

長春寺前好秋色李聰家姬善笑客清歌窈窕瓊筵開琵琶一抹大忽雷驚溪十丈霜皚皚當先揮翰烟雲飛三十

人中最落魄新知獨訝雞羣鶴留髡送客清宵長洗盞挑

檠對牀酌

李芸甫水部廣集都下名流惟法梧門學士與予留宿其家

侵晨出門馬倒

騎沿街聽唱白銅鞮十年無此一大醉萬里重悲五夜雞
嗚呼人生知己不愁少只恐相思各衰老

三月十三日雨中發老龍乘月抵興甯作

桃花吹面柳橫溪細雨村村結燕泥醉裏青山無遠近來

時老馬記東西何堪遊戲同仙李

李八百

第恐音書似嬾嵇

過折珊瑚鞭城未啟一身涼月聽烏啼

雷州諸生黃鶴者任俠好客通徹古今中年浪遊不

樂乃入海爲盜粵大盜烏石二者奉爲謀主幾十

年制府百公平之鶴亦就戮鶴爲諸生與李秋田

交偶言及之予異其才而惜其不安於遇也作詩
示秋田

天地無知己飢寒悔腐儒掉頭入滄海奮臂攫珊瑚似羨
虬髯客非甘狗盜徒無聊竟如此自古有窮途
不仕則隱耳丈夫豈苟營山林無惡死豪俠不長生胡以
難沽玉而投必火城少年同學者徒諱爾聲名

看星

明月不常好碧天棋一枰胸中羅不盡仰面到參橫多謝
靈臺客頻占上將明甯知伍喬苦別有一星精

山家嫁女詞

山家嫁女窘徒步阿母當門淚如注爲兒製裙不得布昨

朝賣卻門前樹兒去幾時回芙蓉映江渡嫁得漁郎水是
家一生不識青山路

九日楊巡檢白先黃尉懷清同登神光山白先攜酒

飲曹源寺

疏林開遠境孤寺合羣峯石佛千人拜秋山一片鐘若教

屠狗客都作種花農明歲羅祠畔霜葩滿眼濃

有頑石稱古大王俗

於此日
視以大

盡此城中客登高得幾人多君能載酒邀我醉佳辰紅葉
踏成徑白雲吹滿身西風鞭影亂相對整烏巾

鐵笛歌贈長樂尉羅蘆峯

江

尉寶一鐵笛言向從京師得之故家製不異常惟

稍長古潤可喜其音穿雲裂石顧無欵識不知何
代物也尉欲得一樓以名之先屬予爲鐵笛樓圖
予謂尉亦可以爲字故又爲作鐵笛生印因歌以
贈之

鐘籠風摧嶰谷竭蒼梧水崖獷臂折黃樓羽客不復來古
調歇絕羌聲卑忽然鐵笛落君手此笛豈是人間有一從
吹裂媧皇天落下塵寰拾誰某波濤沐浴風雷呵元氣在
腹宮商和七星羅列燦北斗一月掩翳浮輕羅歷徧沈昏
大荒劫古字古苔看弗出神仙留與斷腸人篷背山頭坐
吹月月冷霜飛雲正愁愁雲黯淡江天浮一聲大嘯龍出
壑任意呼吸驚陽侯君吹我歌我起舞梅花亂落如殘雨

觸類空傷思婦心流情似訴羈臣苦君吹我歌且復止君
聽嗚咽程江水水邊屹立最高樓鐵漢千年身不死鐵面
冰心包熱血不知是人還是鐵鐵山海內三千堆何鐵能
來鑄人傑我亦錚錚強弗屈鑄錯空成匹夫匹予自號錯道人看
君鐵笛思徘徊人笛何曾有分別君今愛笛更思樓登樓
欲與神仙侔共知愛笛是愛鐵不獨寄興劉衡儔樓名擬
就我爲額鐵笛名君君亦得是樓是人俱鐵成從此飛聲
益清越畫圖先且狀君癖笛卽君心君卽笛嗚呼笛是君
心心是笛笛共君堅君共直

又題鐵笛樓圖

十年呼不起劉衡羨爾聰明學便成一樣元金經百鍊不

教鑄劍與屠鯨

吹落青天月一輪等閒吹不斷芳春年來長物惟餘此攜
向天南作故人

庾嶺梅花飛復飛嵩螺古鶴跨依稀自從悄別宮牆畔黃
綬仙人愛羽衣

穿雲裂石海風飄方響篴篥未易調便似甯王容竊弄美
人纖手握難消

故園何處覓仙儔畫裏先開鐵笛樓樓北樓南春似海恐

君無意戀梅州

圖中多梅梅州卽嘉應長樂係嘉應屬邑

切莫樓成更愛遊閨人容易憶樓頭只防吹得鴛鴦並又

借珠孃玳瑁樓

君家人未至

鄭翁歌

翁名安世高安人官興甯巡檢十八年孫曾數十人元孫二人年不過七十六猶老而健故不作挂冠想也長吏旣以入告予復作歌贈之且爲之徵詩焉

康樂城頭夜飛雪雪花變作仙翁髮仙翁一笑走仙京眾仙擁入仙官列仙官行年七十六仙官官乃在蠻服青童侍史盡蠻人顧視顰眉厭凡濁開堂揮散童與史入室呼齊孫明子爾曹爲我孕雲祚執麈抱琴吾可使大兒聞言向婦謀小兒聞言對妾愁阿孫近前爲翁語翁果索此無難酬一年一孫生一子兩年眾孫生不休十年曾孫競趨

走廿年阿孫紛白頭阿孫頭白兒死半翁反還童色精悍
孫曾簇若市朝趨以首領之難識面應門掃逕紛有餘一
日一更勞弗徧前年曾孫又生子一未脫襁又一見阿翁
大笑喜出汗顧後失前心意亂曾元兩手抱不盡分置膝
頭先後換或來捋髭白鏹斷或來索哺衣牽綻或來呵殿
導升輿或來塗抹橫繡案伊伊啞啞滿室春中婦少婦喧
難分中年但期子生子今日竟見孫攜孫誰知阿翁喜亦
傷終朝苦爲含飴忙一餐須得五斗粟幾使飼鶴無餘糧
一官傴僂十八載至今尋思轉生悔不悔官卑與宦貧悔
見兒孫爭濟濟翁平此悔絕無倫稀世盛瑞懸公身魏徵
五世笏僅在啟期三樂年誰臻繫我先皇曠代福餘慶

尚及今臣民吾宗此福已僅見曾不若翁尤衍蕃

族祖諱大賓以

溇州知府引疾歸親見五世得旌

況翁更在木挂冠罕事亘古無流傳生

男更當無影異還童定覺雞窠寬溯我交翁及三歲中間
數別逾寒暄昨來城中一訪我見面精采輝朝曠肇窠草
書爲我作叙劃殫倒無崩顛一時同官競乞字具脯作醢
爲開尊尊前試問別來事第一曾元增幾人翁笑嚇嚇屈
指數屈盡十指又復伸伸長屈短費思索道我衰耄記不
眞語餘起立再謝走手不曳杖似鹿奔城中故人徧叩門
一一問訊情逾敦遮攀願聞導養術翁笑固問曰無聞但
云愛民愛物如愛己天與壽考能縣縣又云愛民愛物似
愛子天與孫子宜振振

寄顏湘帆

崇衡

顏氏之子才孤標

杜句

功名勿憂年正豪憶昨過此談終宵

板榻四畔無喧囂文章自繼太常後書法竟比清臣高自

言文戰世莫敵但隔程門雪三尺景帝好美臣貌醜是乃

天命豈人力

程宗師將拔爲明經旋以貌取遂不及

吁嗟顏子汝勿羞肯遇

鄭薰竊狀頭樂時且樂憂時憂寒賤亦復前生修處窮況

有四良藥富貴那必陽穀侯我別顏子已三月尺書未答

復旬日頗聞扁舟入惡溪冷暖不得在主華孺子

又至此

多新詩論詩往往推君奇韓山韓江好雞犬鳳亭鳳渚多

脂粉閉門有美幸勿嘗開徑得主恐不返何日寄我囊中

詩我與孺子和弗緩

贈徐又白

青

我生交遊徧天下大半只在詩酒閒徐君與予未相識先

得名姓於秋田

李光昭

作詩如龍攫雲海鱗甲隱現金斑斕

飲酒可醉可不醉醉自真率醒亦仙竭來爲陳孺子榻日

夕賡唱酬前緣程江無波百里近別亦不過旬餘還我聞

徐君有好友子野夙世今詩顛

吳竹君恩綸君同里

何當招來共歡

宴還與吾子聯青氍鳴琴老翁亦同調

仲柘庵明府

羅雀彼此

門蕭然幸茲論文造時序縱乏功業無尤愆嗟予宦游不

暖席一歲四權齊昌船昨來一輩復膠岸嘯咏未至和山

巔遲將攜君與仲老山閣三日聽流泉不然便移米家舫

呼取紅袖彈冰絃藉娛徐君索新句暫爾騁逐投丹鉛故

紙生涯豈良策願逢于頔遺君錢吁嗟于頔逢未必杖頭
差足愁應蠲

鸚鵡碑歌爲又白題韓山讀石圖

潮州韓山有文公祠公草書王維白鸚鵡賦雍正
閒太守龍爲霖得之南海以勒於祠公書存於粵
者他惟陽山孔廟薦飛魚躍四字而已又白嘗讀
書於祠故屬予圖之

我生不喜吟公詩公之文章我實師公詩公文在人口書
法尙未一見之鯉魚噓腥瘴母醜輦搖歧黎濁身首洪荒
以來文字無倉頡畏鬼望卻走我公巨手天可開一呼萬
人齊上階咨汝頑愚不知古古賢聖書當讀來讀不一年

盡識字我公治績成在此公詩公文與公書蠻人至今遂
能指祠堂兩壁苔斑斑鸚鵡一賦千秋傳龍蛇出壑鷹攫
草意造夏夏神天全義之俗書逞姿媚公公不屑爲固求
異想見臨池磅礴形盡發胸中不平氣公送高閑上人序
不平有動於心必於是發之公書旣佳乃罕存陽山而外吾無聞豈公
著作等身富盡付阿買書八分摩詰文章敢公比因公一
書得彰美徐君實公詩替人見之忽煩三拜起徐君語予
爲寫圖圖名讀石人須無圖成又復索題句題不稱意尤
慙書

再題讀石圖贈又白兼書其集

陽冰好古臥碑下愛書不知書者誰昌黎岫嶠曉書者又

復未得觀其碑昌黎草書天下少徐君見之勝珍寶徐君
愛書愛其人畫肚何曾見痕爪我寫徐君讀石圖世人只
說君工書君書雖工尙其貌君詩實則無與殊昌黎詩佳
我非喜何獨於君喜如此君之性情有過之骨則自立神
則似我今因圖復贈詩願人盡明汝所師取師所長捨師
短自樹一幟茲爲奇

竹原歌酬又白友黎竹原

有斐

春風胎碧節爭節惹雲約煙骨不熱雲消烟洩林裏滑野
扉無人黃蝶出遠晴但見峯色紅人影四亂游塵中衣裳
擬來滴餘翠灣水愁隔驕蹄驄

奉酬曾賓谷

煥方伯

汾年未弱冠已嘗讀公詩壯歲得御李適爲麾下裨公時
領詞壇手自摻鼓旗朝開招賢館暮投鄒與枚或言麾下
士亦復耽撚髭公令釋刀槊盍陳汝所爲汾慙不嫻武敢
謂工文辭五年隸公宇一謁不敢私而公謂孺子禮法毋
拘羈維公洵愛士葑菲不肯遺青冥感垂手大路招攀躋
泊公晉豸服汾顧褫戎衣傭書在燕薊痛哭悲窮歧日遭
羣鬼戲奚止醉尉詆平生感公知及此增歔歔願言挹芬
芳采采湘江蘼芬芳一朝餉乃在珠江湄珠江足明月意
許南樓隨鯨波適未靖步趨復相睽迨茲得清宴偏膺棘
人悲惟公恤貧困不別雲與泥大恩敢云報迢遙況何時
公情猶惓惓千里寄相思相期掇金印立功在邊陲見贈詩有

偏裨何日樹功勳金印懸來大如斗之句貌茲七尺軀康莊乃顛隳不才自偃蹇安得委數奇仰天隻眼倦看劍雄心違遂懷遊汗漫洩此中歲鬼維公勗之深鍛羽復自殲翀霄詎全忘賈勇期雄飛何常附鸞鳳萬里隨遊棲微長有時效頌德非汾宜生當爲公死以報吾公知

大埔舟中聞鷓鴣

聲聲聽不斷鉤輞兩岸春山雨乍收青草瘴中投病客綠楊風裏下扁舟十年未了還鄉夢此際方驚作客愁解組還簪行得未可憐今尙憶并州

自題劍人緣傳奇

舉世論交渭與涇英雄終古會飄零平原底幸逢朱亥郭

解何妨老白丁豈有神仙能度世祇應林壑可忘形公侯
不過榮朱紫難得湖隄柳眼青

幾見逢時似馬周北平飛將那無愁也知憂患中年集可
有勲名異日酬入手三杯忘宇宙橫腰一劍息恩讎全腔
熱血頻誰灑珍重知音菊部頭

贈仲柘庵明府

振履

孤鶴無凡羣征鴻無定影各殊飲啄緣復判棲息境是非
風儔侶今朝翼相並鴻飛何憔悴欲鳴口先哽萬里趨稻
粱北海與南嶺西風吹斷行行斷不能併鶴舞何清癯舊
巢古松頂雞鶩忽相欺鍛羽不得整安能將子還一唳九
天憫柘庵新無人識鴻苦矰繳時相警無人知鶴悲樊籠

輒相窘鶴鵠乃相弔四顧各思省同在青雲鄉遨遊足烟
景胡爲墮凡劫不獲戲滄溟兩情感相知相對共延頸鶴
兮鶴兮飛自高鴻兮一生雪泥冷

鯉骨潭

程鄉城東
五十里

三過鯉骨潭未如今日險積愼口若緘目瞞肝肺斂聾聽
弗敢聞沅瀆不欲覽憶昨上蓬萊難名鎗齧舟屢犯阨死得

出生回首尙裂膽乃茲小湫穴勢復山可撼波歎若鯨吐
石吼如虎鬬崩雲落幽壑倏忽天地闇黃頭顫無力背汗
漉兩點竹篙長十尺梢沒莫測窅鯉魂尙此潛飢腹思物
噉我思陳文惠罪汝以律斬豈宜鬱爲厲故智萌復漸一
肅雷霆威髀骨祟曷敢

江樓曲

半掩筠簾半掩窗歸鴻日日渡春江不知誰是還鄉客過
眼如飛漿一雙

幾日秋風燕子歸安排刀尺翦寒衣潮去能將雙淚遠潮
來不信六鱗稀

愁風愁雨又愁烟烟罨空江不見船不是阿儂愁不見祇
愁郎不見儂先

石上樹

古塵積作此山土古土疑成此石古此石無土乃生樹樹
生無名兔斤斧此樹若枯除石煮海上珍禽在何處曷不
將雛竟依汝

蓬萊灘

蓬萊灘前水似山
人人愁我上灘難
篙師爾豈愁灘上
原是來時舊竹竿

楊花

記向章臺見爾青
早知今日會飄零
那能霏雪同清白
偏向愁人半醉醒
雨斷春樓隨夢遠
風低水檻盼蹤停
今生易散來生聚
只恐來生不是萍

潮州鳳凰臺

古榕陰裏屐痕微
百折危闌入翠微
澤國春深煙雨合
荒臺草滿杜鵑飛
孤舟萬里誰輕到
二水三山我欲歸
似聽秦淮歌管動
湘橋燈火映江磯

無題

碧玉多情正破瓜
消磨纖爪愛琵琶
髻名墮馬蜚輕鳳裙
號留仙落采霞
白暗方牀涼似水
黑甜嬌眼靚於花
自從雪藕調冰嬾
只共君謾夜鬪茶

新描團扇蝶雙飛
半臂輕羅香汗微
玉碗葡萄酬顧曲
筠簪茉莉替薰衣
丹傾七返宜偕老
易啖三爻怨早歸
祇恐鴟夷烟水闊
珊瑚懶無處叩金扉

鴛夢偏驚子夜雞
木蘭舟繫畫橋西
釵遺瘦玉龍涎膩
帳掩銷金雁足低
桃葉不離春水渡
楊花難返夕陽隄
霜毫蘸取相思淚
忍向崔徽卷上題

南浦春鷗記別筵
曉風禁病累伊憐
擎來玉盞長腰米
勸

與珠江縮項鰯魚北徐南終薄倖環肥燕瘦總纏綿不堪
姊妹花開處慣值酸風冷雨天

別湖州

嶺外游踪到此闌艤舟十日足盤桓誰將亭榭都名鳳眞
使江山總姓韓有鳳凰亭鳳凰臺江曰韓江山曰韓山賽社終年蛇廟古漪
裙一搦鱸溪瀾銷魂最是湘橋月怕向笙歌歇後看

大鱸行示楊景堂寶張益之樊裕徐又白

齊昌得大魚其頭重十六斤名曰鱸昔人謂青鱸
曰鱸白鱸曰鱖詩疏曰鱖魚之不美者故里語曰
買魚得鱖不如啖茹其頭尤大而肥者徐州人謂
之鱸亦謂之鱸今嶺南以青而頭大者曰鱸白而

頭小者曰鯪吾鄉則有紅白二種皆曰鯪概無謂之鯪者予謂魮魮鯪名雖不同其美皆在頭耳昔人無專咏之者戲作此詩以美之

買魚得鯪如啖茹此語未必由南人南人曰鯪有二種白者味勝於朱鱗大或盈車小亦尺素髻禿尾且短身一身膏華萃於首潛奇蘊美全精神霜刀弗煩饗予割丙乙悉去惟丁存黑肥白軟次第挾流脂洩液宛轉吞老饕快意落岸筋伏鹽其腦融爲津大鯪足下酒一石小鯪足罄酒十巡我昔操罟在江上掣三牽兩供昏晨自來嶺南少芳餌薤不易致鯪無論齊昌況居眾山阜宿沙無能亦非咎繞郭宮渠沒脰深一斤千頭鯪則有朝來白霧忽滿天報

有巨魚鱗鬣陡其魚惟鱖巨者首不能貫之以楊柳風雷
西發勢欲吼駱駝北來力難負老饕勢急呼健兒載之以
車速歸走歸來入戶戶弗受目珠瑩瑩大於斗兒童駭奔
復環守恐有赤符字科蚪主人再視再發驚亟趨入廚謀
及婦欲死不死觀歎息將烹未烹商可否探手入腮吻猶
蟻懸牆滴血鬣如帚薪焦釜熱先搖喉折束不知招某某
東鄰張翰吾鄉人西舍楊修亦吾友徐稚更復常相從三
子必同貪腹口頭魚有宴今重開佳客無多且虛右深盤
出廚氣蒸鬱急眼注定汁清瀏屹如浮山几欲搖渾若完
璞聲可叩凹睛青浮領微白豐頰碧潤額深黝大卻大窾
下筋得驕然譟然應心剖翻旋搜索出愈奇急促不知杯

在手左手持杯右剔骨帳下小人笑麗醜一時欬唾亂珠
玉雪骨積地若培塿獻人校人目未見莊子惠子見亦偶
頭腦瀾羹已萬匙腹背析脯尙百瓠包魚安得不及賓獨
食萬錢慮噎嘔三子旣遂彈鋏願羊續公儀遺恐後肉飫
百夫骨干狗豈宜均之懼枯朽嗚呼魚兮毋乃神食旣幡
思顏轉愀西曹縱諛明府德陳蕃對王冀語南郡難延大夫壽劉
亭或言邑有朱公池上池下池可十畝千年此水爲魚倉
歲獲其利什八九大魚自其遠祖蓄子孫往往取弗苟早
來城市賣不得仍昇入池還活久比年魚活人苦饑非賣
難平得糧糗噫吁嘻予今暴殄雖非宜殺魚活人功罪齊
祇愧屠鯨好身手略調一鼎解朶頤薛公旣好百千客庾

郎合慚廿七鮭可能客俎慣魚鳳不使官竈空生蛙君不
見桂臺白蛟三丈大大漢君臣斷爲膾小鮮止合兒童嘗
大烹不聞聖賢戒又不見東坡放魚忍饒笑七里八節思
復釣東坡有西湖放魚詩繼又次韻有遊將歸休
入節灘又欲往釣七里瀨之句故戲及之季默饋
魚二十斤不曾更放惟詩報坡又有戲歐陽季默
饋大魚二十斤詩我今作
詩謝大魚詩成博笑楊張徐明高啟楊基張羽徐贇
皆工詩時稱高楊張徐若向
江南亦鹿角坡與季默詩云我亦騎鯨手
聊堪充鹿角鹿角小魚也此魚幸見齊昌
衢

琴隱園詩集卷七終

琴隱園詩集卷七

琴隱園詩集卷八

武進 湯貽汾 雨生

南寒集

壬申

年三十五起興甯至筠門嶺
會昌還廣州重至興甯止

土藪行寄趙味辛丈

藪粵音讀如寶義亦略如寶凡鳥巢獸窟及蛇蟲
所伏之處皆曰寶藪亦曰藪程鄉產藪曰土藪其
本土所生也故呼產於蜀者曰川藪產於齊者曰
東藪歲必有至概曰客絲蠶始生食烏柏自成藪
於樹弗煩人工然得之甚少今程鄉所織絲多非
此種往歲丈屬致野藪一匹程鄉人曰但有土藪

不知野繭乃詢得其狀使人山中覓之價倍於常
僅織二匹因以一寄丈并爲詩告之

野蠶成繭古稱瑞東齊習見已不奇食椿食椒又食柟天
許桑女閒娛嬉嶺南野蠶更多種順德永安人弗寵程鄉
繭名天下聞然必土蠶我則憫土蠶初生食鴉舅食久漸
肥化爲蛹儼儼蠕蠕人莫知作簇添梯事無冗綠枝就葉
便作繭敗葉裹繭狀臃腫枝頭離離似懸果采摘摘筐
筐重入手旋看鵲卵大向耳漫搖馬鈴動纒餘舉一懸高
簷數日大蛾穿出孔大蛾乃是羅浮仙翩翩栩栩金粉妍
十日不飛亦不動卻待成雙癡可憐韓憑葬地隨風至說
與洞天真福地四百廿峯俱眼前峯峯春在堪遊戲那知

癡蝶無心遊癡情但喜相綢繆

戴旣出蝶雄者自去雌者仍止夜則雄蝶來合朝

來翻作螽斯孕孫子振振滿眼愁嗚呼癡蝶亦無愁主人

則喜蠶生稠移蠶就樹蝶老死來歲新絲重復抽我來程

鄉索買繭初謂價廉無惡善不知固有客土分土蠶客絲

費分辨客絲絲純色俱染土蠶絲堅色微厲客絲最多土

蠶稀土蠶織成貴於錦又言土蠶佳在粗或取細薄反不

如黃沙黑塵不得湮酒痕墨瀦無能汚鼻祖以之製袷襪

雲初曳取猶完裾昔我捧檄過五嶺先生執手語悲哽謂

爾孺子毋相忘幸致衡門衣一領我今三年始覓得封題

奈復道路梗還如東坡寄冀州僅有一詩無物併

東坡有東川清

絲寄魯冀州詩

裁翦不敢妄短長有餘或可作襦袴

丈短小故知戲及之

君不作杜老卻顧我豈同袁毅將我聞濟陰華蛾燦五色
一繭繰絲六七日神仙才得百數枚土藪多之君倘悅又
聞環邱水蠶七寸餘織爲文錦黃姑吁入火不灼水不濡
土藪類之吾甯訣

廣土藪行

土人見予前詩謂不惟食烏桕亦食榕食紫蘇食
紫蘇者最上絲色微赤製爲衣芳香襲人然必先
自種紫蘇數畝乃可得食榕者微黃食烏桕者微
黑而食烏桕者爲多質則等耳歲有二熟熟於春
者鮮瑩熟於秋者黯淡惠州諸屬皆產統曰土藪
與程鄉無殊他州所產則不及其必稱程鄉以織

工獨擅耳因更爲廣土藪行以示吾黨之耳食者

我生衣食謀若拙農商之間未厯閱坐令山野庸夫哂何

異馬宦不能別春衫一襲新裁成素縷乙乙紋庚庚三浣

縮厚勝荅布鬱撓側蹙熨不平子陽

漢王吉字

敬容

梁吏部何敬容

愛

欲奪野人顧之翻笑絕謂此非佳汝豈聞最佳著身芳襲

人土藪春秋次第出八輩甲乙難評論尤恐所食非其珍

茹以藥物生精神不惟襲人不可致厥篚不得奉

至尊

土藪穰穰非一邑惟我織工他不及因祇

國名

小女絕聰明

別有金梭與玉鐏玉鐏金梭事不奇越機未必非吳絲絲

長絲短我則識絲好絲粗誰復知我聆此言悅然失土藪

還同化州橘尙方所寶金橙皮

今橘紅皆橙皮卽橙亦非化州者在在僞之

萬

事難求名副實我今作詩非解嘲苟有麤故休思豪江南
故人耳食久莫把縞紵來論交土藪卽美自輸錦粉米黼
黻胡能消況茲桓冲浴室不值笑石崇廁上難憑驕

又白能骨節作聲珊然可聽疑卽所謂鑣子骨也戲
贈以詩

松口先生瘦律兀祇餘一身好筋骨骨強筋堅無足奇妙
用入微笑奇絕悲歡向人常默默筋骨作語代口吃學鵬
展翅龍攫爪學虎伸腰鶴屈膝學駝背鰕張吻魚學挽臂
緩縮頸鼈一時幻相三十六一相一聲聲各別如杯擲地
如帛裂如瓦解如竹破節一身膈膊無留停側耳聆之嗤
可說自言筋骨人豈殊此理妙用在伸屈吁嗟鄴侯何如

人伸則布衣屈則臣我恐先生反其術彼之爲屈君爲伸
落齒

忽驚老至萬懷灰編貝無端竟折摧增長那能知日後動
搖原不自年來空餘舌在言宜慎幸未唇亡笑肯開多恐
南烹咀弗易祇堪和雪嚼寒梅

賓谷方伯郵寄賞雨茅屋集卽用其寄吳蘭雪韻寄
之

彩雲簇騎西南來
瑟瑟擊鼓門中開
琅函錦笈落懷裏
拂拭雙瞳凝去聲秋水
焚香肅几三拜餘
開槭馥郁酣屠蘇
齊胸半尺壘五岳詩文共五冊
觸目萬景移蓬壺
公詩眞如出水蓮
亦似瑯錦張屏筵
汪倫郭受何足齒
名姓亦復增華妍

憶公自別瀛州仙閣歷世事多雲烟十二卷詩未半世下
萬古業聞聲去九邊吁嗟人生三萬六千日日銜杯勝提
筆可堪佳客散萍蓬值此秋光復蕭瑟讀公近詩始知顧
去讀公傷逝銘情傷語悽惻讀公博士歌意深詞古質亦
知眼前楊柳愁頻攀賤子早晚亦欲吟還山

琴囊爲鼠所破

破壁空箱意肯忘幾年攜汝伴縹緲庚庚琴裏枯僧相乙
乙機緣怨女腸不忍裁爲承淚枕聊堪補作貯詩囊可憐
一段天孫錦鼠嫁偏憑作覩妝

今離別一二三四五六七八九十言

并引

齊昌人多賈於楚與蜀者鄰有賈當出其婦慮其

折閱而告誡之隔墻呢呢中夜爲之不寐聆其聲
先徐後促旣而激終而慢因采其節製爲詩云

噫嘻去矣何之黃葉落浮雲飛長亭日暮烟暝柳絲握手
復何語還家須幾時風蕭蕭兮酒冷塵昏昏兮馬嘶紅樓
閉月漫回首青衫濕淚空垂眉魂消兮瀟湘之水流腸斷
兮巴陵之猿啼譬如離絃急矢去已遠歎若凌風大翮飛
難低妾心搖搖兮似隨郎馬蹄願郎遄返兮勿向臨邛西
齊昌有老儒張俊夫婦寄食僧舍貧且欲死柘庵憐
而周之并爲詩勸於邑屬予繼聲輒得二首意思
拉雜語涉無聊并自忘其爲詩也

落拓青衿何戀身誰憐折角僅餘巾一錢可買寒儒壽寸

管能援菰屋貧未必聞鐘還有飯早知鑿壁亦無鄰慙吾
飼鶴無餘俸廣廈難羅大地春

黑頭同是病愁身典盡貂裘臘葛巾舉世不知寒士苦阿
誰還信長官貧攜妻也願梁鴻廬盜酒曾無畢卓鄰負腹
端知非腹負使君肯惠囊頭春

送又白之上杭峯市卽次留別元韻

此別豈吾知驪駒宵路遲孤吟卽明日痛飲復何時懸楊
世無客問奇誰可師珠江足烟水期汝共尋詩

又次別席聯句

今夕是何夕此時真別時逢吾還有夢送汝只宜詩白髮
蹤如絮紅閨情似絲可憐峯市月能照幾相思

同峻欽侍母病作

母病已三月弟來才兩旬瘴鄉無藥餌貧宦隔賓親日者
但訣命天平肯祐人何庸吾與汝翻此健强身

罄爾傭書值爲親製一裘嚴寒今逼歲消瘦更非秋環榻
有吞淚觸屏無倦眸祇將千佛號齊諷五更頭

際此尙行役吾生實可傷督郵威似虎都尉賤於羊三日
不爲別片帆愁路長那知經宿後書札到程鄉

書來驚欲絕斷魄蕩歸鞍夜半呼城入牀頭見面安汝心
應佛憫吾事不天瞞自有愚忠孝爲親益壽丸

癸酉

年三十六起興甯還廣州至新會再還廣州止

命綬名瘞予齒於神光山秋田爲作誌湘帆爲作銘

又白祭之以詩書以誌感

身體與髮膚罔非父母遺哀哉我父母安有見面期撫茲
七尺軀敢不自愛之叵堪齒先脫老朽從此基吾年未四
十哀茶理豈宜無者使之有是我頷下髭常者使之變是
我鬢上絲髭多削可少絲白涅可緇惟齒捐我去骨肉悲
生離勇者力難制智者計莫施何殊長城壞亦若山崩虧
一朝失其固百虐來侵欺昌黎漸憂死昌黎有落齒詩子卿益苦
饑咄哉齒於我恩絕徒吁噫滄海渺一粟棄擲復奚疑而
我不忍棄中心有餘悲我悲生死閒輕重爭毫釐剛折豈
不畏恥隨懦與羸我齒媿食肉嚙鏃甯忘危亦聞古豪傑
往往革裹屍衣冠或爪髮僅留後人思人孰無一死所幸

逢時熙我居齊昌久行常遠與辭我我神光山遊覽恆於
斯偶因作遊戲瘞齒於山陲長松翳短碣路人且毋嗤烏
知此一家精魂不憑茲茲理匪可陳惟有知者知落齒者
都尉瘞齒者綬兒李生作冢誌顏子爲銘辭徐君復再拜
醢爵祭以詩維嘉慶癸酉三月朔午時

附誌

程鄉

李光昭

秋田

藏之名山者文章金石受之父母者身體髮膚而履薄
臨深心常危悚鏤肝雕腎才則離奇心以嘔而傷多鬚
以撚而斷易是必收神歛魄覓大地以埋憂剔蘚刊苔
誌豐碑以觀孝雨生湯公以忠孝之裔作都尉之官本
儒術爲韜鈴主將壇以風雅眼明飛電臂運神猿胡當

強壯之年忽有摧頽之齒透酸風於一角忽懷長城味
吞雪於寒枝何堪食肉絕無芥蒂等作生離自厭羶薌
若爲尸解準洗髓伐毛之例棄置何妨想父天母地之
遺捧持欲泣於是纏以古錦貯以花罌命公子綬名瘞
於神光山之麓埋豐城之寶劍牛斗常愁掩孟郊之墨
池蛟螭遠徙樹蔥蘢而交陰水滌紆以相環鬼護空冥
朋來歌哭時嘉慶癸酉三月朔日也於戲文筆有家莫
非名士風流冢及衣冠不過神仙遊戲曷若子重性命
於泰山珍咳唾如珠玉笑形骸之難忘或精魄之是憑
寄一粟於滄溟傳千秋以佳話誰無生死踏青之車馬
留連惠及齒牙篆碣則雲煙繚繞

附銘

程鄉

顏崇衡

湘帆

惟我都尉七尺昂昂
眎未茫茫髮未蒼蒼
齒牙搖動山崩其旁
芽於八月脫於計六
曰非毀傷斂藏山麓
山神守護魂魄依屬
石久而泐齒獨錚錚
金久而鑠齒獨鏗鏗
此齒年壽與金石爭
忠孝骨血入土不蝕
幽淵寒巖松雲蘿月
古石銘篋落不敢髮

附詩

程鄉

徐

青

又自

維嘉慶癸酉三月戊辰朔都尉有落齒瘞之西山麓
嗚呼我都尉依汝如城郭骨肉相因依何忍自離卻
豈厭都尉貧粗糲飽咀嚼苦汝銜石碑強汝齧箭鏃
念汝附都尉歲序三十六汝能長相守終當慊汝欲
安知逾十

年不得覩梁肉念汝夙胚胎忠孝所孕育或言如編貝
曼倩非嫁嫁甯如謝幼輿甘受投梭辱汝今旣脫口愛
汝仍如玉貽以青蠶餅覆以胭脂盞度汝歸淨土永永
離塵俗火燄不能燒烏鳶不能啄或爲舍利光夜夜空
山燭或爲萇宏血千年化碧玉都尉如長年老死在牀
蓐區區一齒閒瑣細不足錄若如顏常山爪髮俱不復
遺蹟此山中太倉留一粟他時我追思醺酒奠三爵宛
然見故人魂魄寄山岳嗚呼丈夫身生滅難可卜修短
任自然有生當自勗我憂誠無端我更爲君祝願求赤
松子受君長生錄化日自舒長優游樂清福言之使心
歡當歌何必哭

甲戌年三十七
在廣州

留別興甯

贏得長紅燦國門

方俗送官去任以花枝挂綵謂之長紅東坡詩花枝長紅

漫勞遮

道各聲吞鼎鐘莫挽終天恨

前年太宜人見背於此故事參將以下官不得回籍守制

生死難酬國士恩

軍門薛公以予訓練有方禁絕地方惡習每屆瓜代請督部檄予復任故四權

茲任蓮葉舟輕蕉兩岸杉皮屋小竹千村三年風土成相

習別有蕓蕪引夢魂

梅與菊同時作花嶺南習見之因寫贈江素山

二傲何曾品格殊相逢得似爾同吾憑誰會取拈毫意各

自離羣轉不孤

林逋陶令總高賢時代原休論後先只恐形骸忘未盡等

閒猶欲較姝妍

三徑蓬蒿話也慙
滿橋風雪夢猶探
耐寒本共江南佳
不
合趨炎過嶺南

海珠寺消夏偕謝灋浦張墨池南山李鳳岡芸甫

鐘鼓靖魚龍
高談氣吐虹
興酣詩易捷
地勝畫難工
海水有時竭
酒尊無日空
招涼珠一顆
何幸獲晶宮

李鳳岡

威

太守挂冠北行爲作鵝潭秋餞圖并題

一夕西風竟送行
蒲帆高出尉佗城
眼前原是來時路
心與秋江一樣平

五馬何如一葉安
畫圖且合付人看
孤琴擲碎渾閒事
不向黃茅瘴裏彈

贈蔣權伯子耕侶以畫梅屬題

不昭髯公又兩年偶傳消息到南天緣知蔣徑荒蕪甚尙
有梅花一樹妍

莫怪林逋愛閉門羅浮啞虎攫詩魂荒烟冷月空相憶鶴
子何時返故村

自題雪景小幅

南來五度閱冬殘襤襪何人耐歲寒除卻筆端曾見雪祇
應尋向鬢邊看

自鑄一劍銘其上曰錯

鑄錯成何事誰能知此懷前身狎龍虎今世畏狼豺豈有
仇須報終無地許埋牀頭燈影白風雨入高齋

又鑄一劍銘曰琴賓

我被琴稱主琴將劍作賓百年三密友四海一遊人本共
書城住還應酒壘親天涯休苦逐恩怨總因貧

哭女珊

痛爾生來未識家木棉曾見幾番花而翁萍迹猶無定腸
斷層峯葬女挈

袁鍊生

壽

招同郭蘭池

琦

集羊城寓齋

廿年別鶴林忽見鶴林友憐君屐底杜鵑片落下庾關作
塵垢秋風滿院新橙香痛飲欣開作詩口聞君畫絕世罕
見滿壁滄洲與誰某林宗好學士今世肇窠好書手昨朝
題我罷釣圖四字驚人龍出肘我交袁叔明非直銜杯酒

期君爲我寫煙波一片蘆花數行柳楊子江頭君故鄉持
竿客又君交久圖成便乞一題詩一笠應成三不朽三江去官
自寫秋江罷釣圖
今又乞集生爲之

英德道中

千山過眼忙小艇出滇陽石瘦鰲郎采

英德石多載至花田賣人花奇

蠻女妝秋田樵老蔗午飯煮新篁蠻語翻嫌我橋邊賣酒
娘

琴隱園詩集卷八終

琴隱園詩集卷九

武進 湯貽汾 雨生

南塞集

乙亥

年三十八起廣州至都中
曲阜廬山還至萬安止

由石門入廬山喜而有作

舉頭一笑見匡君
欠爾新詩二十春
窺湖鬚眉增古色
到門福分已天人
松梁水激春雲確
鹿徑僧樵煮石薪
誓欲移家近蓮社
兒孫儘作九江民

天池草堂

堂在廬山鉢盂峯下方
茶山守九江口所構
今茶山移郡廣信

白傅難重遇
詠茅喜見君
到門先拜石
勒草堂記其上
入室但攜雲
種樹早千尺
磨崖得八分
抽簪知有日
鶴唳正

斜照

宿留雲閣

報國寺內

林密山重漏不聞竹林深處一燈分
留雲不住留人住可
是來人閒過雲

雲住雲行總在山我行不識幾時還
祇應留得新詩草付
與匡君帶笑刪

留雲閣對酒見月歌示峻欽

峯高得月夜已子老鶴眠雲寒不起
松門竹徑雲如人行
去行來月光裏憶昨潯陽江上看
照人千萬別離船今朝
只照兩人影江月不如山月閒

無垢上人爲具蔬食甚美戲題

登山腰腳逐年時漸覺勞筋似此疲卻笑腐儒原有骨微
酸得與老僧宜

麵筋

何人煮石偏餘此付與巢山洗最清此物端能聽說法尊
前塵事且休評

石耳

石門

白鶴爲前導閑雲復後隨石門有仙景倚杖得新詩古雪
堅於玉飛泉散似絲丈人

峯常夢見招手若相知

竹林寺

我獲遊山緣私作遇仙想昨夜夢騎黃鶴飛道逢赤腳捉
相訪手攜碧玉簪鏗然叩扉響一童歛我坐梅樹一女當
風接藤杖此中所遇非一奇夢中見奇如故宜我久不飲

夢乃醉瓊筵珍味瑤池稀夢中幻境醒豈遇那識今來叩
扉處舉頭驚見嶺邊亭隔澗先諧松下路兩年病臥跬步
憎至此捷若猿猱升煙中忽鳥語絕壁休空捫古寺嵌雲
寺非寺兩壁相合中有清虛林臺四
大字鐫石上惟返照時見之緣蘿披雪門非門徘徊
徊意何許惆悵不肯去頑仙喜炫奇凡子徒食古如奏鈞
天響聲叟如陳珠貝矜瞽女見似不見聞不聞奇亦無奇
取無取掉頭踏石聞驚雷一二虎跡畱坡苔仰天大叫闐
闐開道人且上昇仙臺

登白虎昇仙臺

我行如野鶴獨立萬松巔松下但絕壁樵人疑古仙閑吟
騎白虎長嘯答青天不見舊遊侶於今五百年

由天池登文殊臺至聚仙亭

山靈真不負詩豪亦有仙緣到我曹
一水直將天作底諸峯翻與塔爭高
虛壇風靜聞仙步絕壑雲陰動虎號
老樹空腔誰入定崖邊古佛綠生毛

無垢徒寶文字雪鴻乞爲予詩弟子送至黃龍寺口

占別之

祇林喜結墨因緣一鉢翻憑我與傳
奈爾隔溪空惜別從今面壁不參禪
何妨成佛輸靈運祇欲工詩過閩仙
三十六峯來去熟回頭孤鶴沒雲煙

宿碧雲寺韻公禪房

挑燈爲我掩松關語寂虛堂月半環
慧佛何曾都識字名

仙不過會遊山白雲去盡碧雲在明日可如今日閑石貌
松聲思歷歷夢魂知免到塵寰

出山寄韻客上人

鴻爪欣從天半留廬山深處最高樓阿師常住我行腳昨

日下山今白頭敢望高鄰陶令結惟期精舍遠公幽

寺後樹石

聳秀惜高垣蔽之愚意可別築一閣能教碧檻重來倚亦是清緣夙世修

偕暹羅使臣丕雅梭圪粒巡吞押撥蘇昭突廊窩汶

蓀泥暇握撥突廊拔車哪鼻悶平哩突坤第匹呱

遮辦事飲於高唐舍弟峻欽贈之以詩因次其韻

輦轡航琛萬里回流光恰憶嶺梅開漫言絕域無佳士也
識高懷屬酒杯馬革功名憐我老雞林聲譽讓君才最難

古驛寒霜夜姜被依然一榻偃

廊窩汶蓀泥暇握撥突索詩

鄉心先逐越王臺馬足層冰踏不開欲盡歸程須兩歲便

朝天闕已三回俱盧衣食真奇福須彌山北俱盧州有自

羅布粟賤淨飯兒孫總善才凡為宰官皆由釋氏廊為慚

愧能文蕭穎士何堪竟作汝師來世傳佛學者也

廬州長都尉和席上歌

去年河南苦兵革今年山東復大疫流民十萬渡淮東米

市屠門爭攫食重來已歷十五稔王戊子再權都尉到廬訪舊祇存

楊伯起楊廣文釋牆陰苜蓿春無根賴有侯鯖飢不死長

侯適我舊親串玉案行廚招竹裏堆盤霜鯽久相思香花墩池

中產金背鯽名包公鯽名士別來多過爾夜深執燭循廊行舊題處

處紗籠青多謝長侯屋烏愛後君誰復如君情北風吹帷

鑪火晦帳下健兒縮如蝟連旬冷過己未年主人怪我不

肯醉

時以略血止酒

我昨謁

帝蓬萊宮

尙方宣賜袍花紅

入觀

後蒙紫袍一襲

廿年衣鐵不覺冷於今敢作寒號蟲

桃花潭

閒漁猶解說汪倫流水桃花試問津一識詩人都不朽詩人偏有不傳人

黃梅

珊鞭指處索拈髭背郭孤亭

俊逸亭

夕照遲不是拾遺誇俊

逸幾人能識鮑家詩

卻到黃梅見白梅菩提非樹鏡非臺人人知我曹溪去我
卻曹溪昨日來

九江訪陳金門

備來於甘棠湖

重到潯陽歲已闌陳遵閣畔酒人殘披君湖上新詩本憶
我江村舊釣竿官似秋蟬拋殼易家如春燕定巢難安能
便結束東林契等把浮雲白眼看

宿金門對廬書屋

君是陳蕃我愧徐齋名憶雨意何如
君謂他日當顏子與所臥處曰憶雨
君相憶真無盡明日廬山憶對廬

章江舟中口占送峻欽之桂林

握手無言那有詩長天斷雁影差遲潯溪依舊章江水曾

見麻衣泣別時

阿奴門戶望支持不見而兄鬢已絲切莫名山戀陽朔草堂築就待君詩

自題琴隱圖

身外餘長劍劍邊惟古琴畱琴且賣劍一笑入山深繞屋
碧流水滿庭松樹陰
琴休苦寂猿鶴亦知音

丙子

年三十九起萬安舟中還廣州至澳門羅浮還廣州止

南康舟中卽事

折梅入篷底幽琴與之調調琴亦已歇共爾眠清宵清宵
苦長夢苦短絮被無情落花滿

過庾嶺值梅花盛開憩曲江祠與僧定觀各鼓琴一

曲畱題時偕洪建侯觀察送暹羅使臣南旋

山僧爲我拂征塵愛問南還幾雁臣是昨曾來原故我便

新相識總勞人

定觀與建侯初識面

彈琴一博梅花笑題壁同防丞

相瞋明日篷窗堪寫照者回剛見嶺頭春

予巖作梅嶺逢春圖

寄峻欽桂林

章江別後少魚箋草綠春塘又一年仕本因貧廉卽聖朝

堪終隱吏原仙吹簫擊筑人須厭盤馬彎弓我自憐第一

宜人是山色抽簪早晚到君邊

杜詩宜人是桂林

寄贈梅嶺定觀碧情二上人

阿師消瘦鉢無糧不住珠宮與道場獨傍梅花作精舍還
爲丞相守祠堂抱琴古石和雲臥舉酒高壇對佛嘗且莫

琴隱園詩集卷九

六

披襟向行客看人忙卻自家忙

寺有小樓下臨要路舊有額看人忙三字又聯曰看

者自看忙者自忙辨不出是人是我忙亦非忙看亦非看悟得箇無我無人

曉至觀音巖冒雨擎小舟至洞

獨與扁郎一笑西蓑衣著得拜菩提飛雲傑閣盤仙鼠細

雨空林響竹雞青草瘴生山客病桃花水漲洞門低重來

合在黃梅節一舸應攜法喜妻

今年應屆量移

大風下中宿峽遇雨

一枕滄浪角折巾推篷不見曲江濱空煙古剎回頭岸細

雨桃花到眼春北苑以來無畫史

董叔達有峽江烟雨溪山風雨諸圖愚謂自古

狀風雨者莫如叔達米氏父子直灰阜炭林耳清河書畫冊亦謂北苑以風雨霧景爲尤

東坡而後幾

詩人

坡仙有峽山寺詩又看山不飲真堪惜土銓烹活有舟中及釣溪諸作

潑鱗

攜琴憩北禺山飛泉亭

抱琴何處彈來與流泉和我外復誰聽亭邊竹千箇

久至古飛來寺

飛來古寺接天低行到山門日未西我是遊山異行役子

規此際不須啼

山多此鳥僧言一歲惟殘冬不聞

將入羅浮至博羅縣九子潭易道服

一領青袍滿塵土十年裂爛補難補不如易得紫荷衣稱

體逍遙謝官府蓬萊道士吾吟朋呼鶴向前教我乘一朝

便作葛仙客館我仙樓最上層

同行江瀛濤道士主酥醪洞謂予至洞當居浮山第

一樓洞爲葛稚川北菴

層雲沆瀣轉足底上是鸞凰下螻螳美人何

處夜吹簫卻隔雲頭五千里

華首臺贈秋鏡長老

飛錫何年到此峯破雲走卻老黃龍殿前一拜三千衲洞
口親栽五百松山石琢成前世相天風吹墮古時鐘多君
指我蓬萊徑臺畔迷離白鹿蹤

合掌巖口號

雙石斜立高數丈上
合下開如合掌然

一生見石甘心拜今日欣逢石拜吾翦取銀河三百尺與
君洗手念南無

宿黃龍洞

洞口春雲似水流一聲清磬出松樓到來若个非仙骨卻
向君家借枕頭

獨愛橫琴踞石牀底須頻勸九霞觴羣真夜半騎龍出欸
我龐公舊講堂

明南海人龐嵩講學於
此今觀中精舍在焉

曉別冲虛觀至葛仙衣冠冢

扶藤肩衲叩朱明一宿丹臺飽茯苓野戶月明蹲餓虎高
壇風靜落春星洞雲先我前山去烏夢遲人片刻醒犯曉
高吟葛仙冢一雙古鶴下來聽

由羅而浮經分霞嶺高可千丈向無人煙酥醪道人
江本源於此築亭曰玉液由數里外鑿石引泉爲
義漿以濟行者予題其巖曰思源又系以詩

源頭卻在爾心田一勺都成歡喜緣漫羨安期呼吸異酥

醪只與自家仙

集仙傳安期生醉後呼吸水露
皆成酥醪卽觀名所自昉也

初至酥醪洞住浮山第一樓

黃龍挾雨出東溟一夜青山洗更青
破衲焦琴來紫府小樓青磬誦黃庭
看雲坐對流泉語得句吟教古蝶聽三十
九年純是夢而今眞箇結茅亭

與江瀛濤鍊師訪梅谷之勝聞故人黃香石擬結廬焉

飛泉百道滌詩腸小築高樓看鶴翔
若補梅花三百本四山都覺白雲香

此地何曾通屐筇故人先我種青松
等閒十笏休相妬我占南峯爾北峯

雨中入黃仙洞

冒雨來看峯頂泉雲中一笑遇黃仙道人莫問眞名姓游
戲人閒四十年

雲碓無人水自春絕無茅屋傍杉松羅山春比浮山淺一
樹木棉紅過峯

贈瀛濤

山館雲蘿聽虎吟綠天春暖晝陰陰
出前竹色參天玉洞口
松花滿地金愛酒愛花兼愛客
宜詩宜畫更宜琴
小樓已是留旬日看有何人到此尋

手揮松塵踞胡牀紫鹿元猿趨走忙
赤腳道人耕秫地白頭弟子掌仙糧
分餐墨客多於鶴入世浮名爛似羊
誓欲從君學難老來時已著薜蘿裳

羅浮雜詩

細雨桃花三月三春泉涸涸出煙嵐道人飽食青精飯閒
向山田看種藍

新茶摘到待泉烹汲水奚童何處行卻共山翁深谷裏一
雙鴉嘴鬪黃精

仙兄新葺小蓬萊乞得琅玕不會栽日暮何人肩笠至朱
明洞裏寄書來

細雨高樓燈火昏蒲團約不住詩魂道人促我初更睡明
日先游白水門

腰鑣深入萬篋簪遊過星壇又鹿堂彷彿煙中作吳語原
來石泰是同鄉

泰字得之宋時常州人得道於張紫陽一百三十七歲卒後一年易介復遇於羅浮

赤腳山童捷似獐，層崖挽我沿松溝。吟聲不抵雲聲響，里鶴當前笑一遭。

飛雲絕頂見神湖，腳踏劉仙竹葉符。漫道鐵橋容易度，黃熊前導白猿扶。

筠籃自把竹枝叉，採藥仙翁兩鬢華。蝶語新來聽不見，要

尋七葉一枝花。

七葉一枝花，花仙草名，又名靈通草，長三尺，小如筋，而勁頂開七葉，中虛兩頭實，聾者

食之即通此仙草也，求之難遇。

前山春暖後山涼，處處蒙茸澗草香。捉得仙翁大蝴蝶，夜深和我宿丹房。

曉起惟聞好鳥譁，更無剝啄到山家。夜來一陣東風雨，吹落門前柚子花。

脫棚新筍迸春雷結箇茅龕古澗隈晝靜有人深竹裏鳴
榔獨自去還來

酥醪洞多叩竹筍時有道人結茅林中擊析守之

一聲樵唱一聲鶯絕壁殘陽挂斷藤何事歸筇雲外遠抱
琴閒訪舊詩僧

分付山僮剷草萊石樓門徑有人來山頭不會鋤黃獨艾

餅應攜四五枚

山中人多和艾作餅爲乾糧

綠鬢仙娃識茯苓攜鐮愁汝瘦伶俜麻姑峯上無多樹半
是男青半女青

女青卽冬青羅浮有男青似女青條蕊之屬莫不朱色

羅浮山中畬人以鯪鯢

俗名穿山甲

來獻受而烹之得詩

畬人得鯪鯢獻我弗求金不死甯無術入山終未深片鱗
誰爾貴多力已吾擒食指朝來動臨軒一愴吟

黃仙洞得靈芝十二莖

黃仙贈我靈芝草黑白青黃十二莖

抱朴子論芝曰赤者如珊瑚白者如截肪

黑者如澤漆青者如翠羽黃者如紫金而光明洞澈皆如堅木有百二十種

我謝黃仙無一物

能教紫府學長生庾郎得句如龍馬

庾肩吾羅浮五色芝詩如龍復如馬成闕

復成

朱老因餐去玉京

仙人朱子初無名字漢時隱居羅浮有五色鳥銜赤龍芝取而服之

人因稱之曰朱靈芝其後白日昇天見本志

歸與兒童作如意羣真莫向手中

爭

羅浮山中寄家書

蓬萊祇隔一朝程強病原應共我行昨夜麻姑曾問汝天

晴擬遣鹿車迎

同瀛濤觀石竈

酥醪觀西北七八里有大石如竈形蓋奔瀑衝激而成鶴城楊制府應琚

琴隱園詩集

卷九

七

題煮石處三字其旁又崖開一詩以刀作筆深入分許非楷非隸云朝吳暮粵水天一色長嘯歸來山青月白蓋仙筆也

石竈誰所爲千年不煙火仙人有白石欲煮奈嬾惰若覓竈下養君去必遺我囑君去時喜莫狂願爲世人炊黃梁
猺人弋一鶴予得而養之瀛濤飲以藥有詩

酥醪洞前白鶴多山猺習見同鷄鵝晨炊鬼芋不下酒
鬼芋羅浮深谷中狀如薯芋石上松閒來設羅猺童溪畔已汲水猺女竈
前先束禾須臾一鶴提在手大笑跨湖行如梭先生采藥
正相值詢所自得責以苛償錢籠取返深洞鍛羽不整爲
摩挲治之以藥飲之水一晝夜喜今全瘥意如德我不忍
去中心又復思巖阿故羣只在松樹頂爾去亦可常來過

可憐癯仙隱此亦已久豈意林壑生風波一日性命如飛
蛾偶然值此悲轆軻不知人間塵網更周密齊將萬貫期
君馱

酥醪洞東南四里許有小蓬萊喬木森陰巖阜複互
瀑布凡四五疊蓋又妙於梅谷也遊契良久遂有
卜居之思爰題以誌

我愛小蓬萊松杉不用栽當窗千尺瀑繞屋四邊梅此地
無須買閒人便可開況鄰江道士佳客會攜來

鶴逾三日創發而死予與江道人裹以隕繯殉以落
花瘞於觀旁斗臺之古松下刻鶴冢二字於石壁
又作瘞鶴圖付道人藏諸觀中作詩誌之嘉慶丙

予三月二十六日也

閒憑仙蝶拜精靈誰讀空山瘞鶴銘千古騷人尋弔處斗臺西畔古松青

瀛濤道人瘞鶴後夢一羽衣人笑而揖之叩所自來曰吾爲道人守斗臺顧不識邪寤而疑鶴之有靈因思築亭於臺肖鶴以祀予先顏之曰鶴笑并得二詩

便作山神事亦奇等閒生不遇安期卻教三百黃冠拜不與顏仙一度騎

清風明月舊家鄉四百峯頭冢草香竹徑松門亭四角幾人曾見鶴祠堂

白鶴觀

山花開到詞梨勒

似木梳花白子形如橄欖

仙闕長春亦半殘得境忽

逢詩思捷窮幽才覺畫功難碧雲滿地竹窗靜白鶴一聲

松影寒無數磨崖名姓滅閑隨木客試尋看

觀外五龍潭多石刻

延祥寺畱題時將還廣州

犬吠得遊客鐘聲消落花山僧求翰墨妙語帶煙霞卓錫

泉中水飛雲頂上茶片時清興好何處說還家

卓錫泉在寺右山上

實積寺後相傳梁景泰禪師卓錫石上所得飛雲頂爲羅浮最高處所產野茶曰雲霧能解百疾不易得也

再過華首臺畱宿

解下團瓢放下筇碧天如洗夢騎龍瓊仙幾個能眠熟靜夜鐘聞四百峯

兩度高吟華首臺林泉祇覺美於回不知何日攜梅鶴重
作羅浮道士來

明月寺與羸濤話別

尚有招提一飯緣荷衣還汝自家穿漫因明月畱聽笛且

趁斜陽去放船送客仍攜看雲杖到家猶酌在山泉

見貽卓錫

泉回頭笑嘯煙霞侶得句煩呈葛稚川

時以衣冠冢詩囑寄冲虛觀

新刻小印羅浮半月黃冠客詩以自嘲

纔自神仙窟裏來煙霞滿面絕塵埃仙官天上今嫌冗特
把黃冠挂一回

新詩喜與鮑姑珍獨向桐君話夙因待得安期仙棗熟還
吾鶴氅華陽巾

賣琴

不乏知音侶能貽沽酒錢可憐千萬補伴我十三年南北
東西路風花雪月天等閒新別夢吹落海雲邊

澳門之役未暇爲詩歸舟以短句補之

花發水晶宮晴霞萬頃紅四鄰鐘子午百肆海西東蜃幻
樓臺麗犀明魍魎窮時奉檄訪緝逸匪朱毛里紺珠車斗賤愧我探驪
空

舟夜

青帘飛落柳邊牆旅泊情懷寄一觴病骨西風愁瘴母扁
舟細雨共珠娘隔江遠火腥蠔殼粵人燒蠔殼灰壅壁靜夜空村響
蔗漿賣錫家用牛磨蔗每至夜分不至一卷應成風土記三年總在蜃魚

鄉

題陸湘皋表弟持竿小照

春水桃花三月三相逢同是憶江南
南來親故知多少難得深情似碧潭

漁兄兩鬢已蕭然羨爾珊瑚拂釣竿
二十年前青簞笠至今閒在板頭船

爲萬何舟題朱野雲畫

野雲吾畫友十載迹萍蓬愛此水村景
一天楊柳風雨停簫管擢花暗冶遊
聽愁絕萬司戶江南有夢同

海幢寺同澄波上人痊鹿亭看梅用東坡松風亭下

梅花韻

茅廬四五結野村梅花萬點迷吟魂老僧坐我古亭上落
日過樹涼煙昏一翁瘦健若猿猱十年在寺爲灌園飄然
攬身立霜幹舉手與客談寒溫寒鴉踏花散如雪霞氣逼
水明於瞰一枝落入道童手導我側出疏籬門揭來苦病
廢吟詠縱有興出無清言羅浮今歲不得去花前謝爾開
芳樽

同人雲泉山館探梅

在白云山

瀟灑雲泉館頻過似我家到門先海日速客是梅花花裏
琴聲逸溪邊鶴影斜一樽長此共不用說青霞

山是鄭安期得仙處

琴隱園詩集卷九終